



EUROPEAN UNION ELECTION FOLLOW-UP MISSION

Timor-Leste
11 June 2025

Misaun Akompañamentu Eleisaun UE nian husu ba autoridade Timor-oan atu halais reforma eleitorál hodi garante transparénsia, inkluzividade no oportunidade ne'ebé hanesan ba kandidatu sira hotu antes eleisaun 2027 no 2028 tuirmai.

*Dili, 11 de Juñu, 2025 - Uniaun Europeia koloka Misaun Akompañamentu Eleitorál (MAE UE) ida ba Repúblika Demokrátika Timor-Leste husi loron 26 **Maio** to'o 21 Juñu 2025, hodi avalia progresu ne'ebé halo ona iha prosesu reforma eleitorál no estatutu implementasaun ba rekomendasaun sira ne'ebé halo husi Misaun Observasaun Eleitorál UE 2022 (MOE UE) no Misaun Peritu Eleitoral (MPE 2022). Misaun Akompañamentu Eleitorál UE (MAE UE) ida-ne'e lidera hosi Sr. Domènec Ruiz Devesa, Observadór Xefe hosi MOE UE 2022 no eis-Deputadu Parlamentu Europeu nian.*

MAE UE apresia tebes relasaun diak no atmosfera amizade durante enkontru sira ne'ebé hala'o ho interlokutór lubuk ida iha prosesu eleitorál, inklui Prezidente Parlamentu Nasionál, Komisaun Nasionál Eleisaun, Sekretariadu Tékniku ba Administrasaun Eleisaun, no instituisaun estadu relevante, partidu polítiku, sociedade sivil, representante média no parseiru desenvolvimentu sira. Iha loron 11 fulan-Juñu, misaun organiza enkontru meza redonda ida hosi parte interesada eleitorál sira, iha ne'ebé partisipante sira diskute progresu ne'ebé halo ona to'o agora iha implementasaun rekomendasaun sira MOE UE 2022 no MPE UE 2023 no estatutu atuál reforma eleitorál nian.

Iha konferénsia imprensa ne'ebé hala'o ohin, Sr. Domènec Ruiz Devesa hateten: "Prosesu desentralizasaun atuál hanesan pasu ida ne'ebé simu ho di'ak tanba bele halo demokratizasaun iha Timor-Leste bele sai di'ak liu-tán, enkuantu atualizasaun biométrica ba rejistu eleitorál, inklui ema sira ho defisiénsia, hanesan sasukat pozitivu ida. Maibé ami nota katak la iha progresu konkretu iha implementasaun rekomendasaun sira ne'ebé MOE UE fó iha tinan 2022 no MPE UE iha 2023. Interlokutor sira maioria mos konkorda katak iha urjénsia atu hahú servisu ba revizaun kuadru elektoral."

MOE 2022 no MPE 2023 fó rekomendasaun 16 no 13, respetivamente, inklui rekomendasaun prioridade lima atu bele hadia dalan sira kona-ba maneira ne'ebé eleisaun sira regula no hala'o iha Timor-Leste.

Domènec Ruiz Devesa subliña katak: "Tinan rua molok eleisaun prezidensiál 2027, no tinan tolu molok eleisaun lejislativa 2028, tempu oportunu ba reforma legál ne'ebé abranjente no efetivu sai klood liután. Ha'u enkoraja governu no parte interesada sira hotu atu aselera serbisu ida-ne'e." Ha'u stimula governu no partisipante sira hotu-hotu atu akelera servisu ida ne'e."

Xefe Observadór nota katak "Rekomendasaun ba konsultasaun Komisaun Eleisaun Nasionál nian iha maneira ida ne'ebé konsistente bainhira prepara enkuadramentu regulatóriu ba eleisaun sira, hametin kapasidade fiskalizasaun kampaña nian, no revizaun ba regra sira finansiamentu kampaña nian maka xave atu hasa'e transparénsia no garante oportunidade ida ne'ebé hanesan ba konkorente hotu-hotu antes eleisaun sira tuir mai ".

Xefe misaun subliña mós kona-bá importánsia hosi transparénsia iha prosesu reforma eleitorál, no mós inklusaun no kooperasaun hosi autór eleitorál sira, inklui organizasaun sira sociedade sivil nian.

Konklui konferénsia imprensa, Sr. Domènec Ruiz Devesa reafirma katak UE sei kontinua halo advokasia ba reforma eleitorál sira iha Timor-Leste.

Relatóriu finál husi Misaun Akompañamentu Eleisaun nian sei publika iha fulan hirak tuir mai. Arkivu kompletu hosi relatóriu observasaun eleisaun nian no rekomendasaun sira UE nian bele hetan iha <http://database.eueom.eu>.